

**LIBURUAK**

**Izenburuak:** 'Antartidarako bidaiak', 'Oihanean galduta', 'Sarean harrapatuta' eta 'Dinosauroen loaldia'. **Testua:** Montse Homs. **Marrazkiak:** Marta Biel. **Itzulpena:** Antton Olano. **Orrialde kopurua:** 32na orrialde, koloretan. **Adina:** 4-7 urteko haurrentzat. **Argitaletxea:** Ttartalo.



**Bi modutara idatziak daude testuak: elkarrizketak, letra larritz eta komiki itxuran; azalpena, letra xehez eta orriaren oinean.**

Irakurtzen hasi berri diren haurrentzako liburuak dira. Ahozko hizkuntza da elkarrizketa, eta, beraz, letra larritz eta komiki itxuran aurkeztu dut, irakurleek errazago uler dezaten. Istorioa eta azalpenak, berriz, letra xehez eta eskuz idatzi dira. Oraindik haurrek ez badute behar bezala menderatzen irakurketa, helduren batekin irakur dezakete istorioa.

**Tamainaz, liburu ikusgarriak dira.**

Gaztetxoentzako liburuak izanik, haurren arreta erakarri nahi izan da tamainarekin. Gainera, Marta Bielen sentimenduz beteriko ilustrazio koloretsuek eta

alaiek liburu ilustratu bati dagokion formatua merezi dute.

**Istorioek askotariko balioak ezkututzen dituzte, ezta?**

Bai, askotariko balioak transmititu nahi izan dizkiet irakurleei: adiskidetasuna, errespetua... Jatorri askotariko haurrak dira protagonistak, eta, hala, kultur aniztasuna eta eleaniztasuna aberastasun gisa aurkezten dut. Horrez gain, bestelako balioak eta mezuak ere helarazi nahi izan ditut: naturaren errespetua, taldeko lana, arazoak konpontzeko adimena eta ekimena, emozioen kontrola...

**Zein da helburua?**

Errealitatetik haratagoko esperientziak eta egoerak izateko aukera ematen du literaturak. Hezten, hazten, arazoak konpontzen eta mundua ulertzen laguntzen diete haurrei egoera horiek. Sentimenduak piztu eta haurrak motibatu nahi ditu bildumak. Hori lortzen badugu, gehiago irakurri nahi dute, irakurketak bizitzari zer ematen dion konturatuko direlako.

**Montse Homs**  
IDAZLEA

«Sentimenduak piztu eta haurrak motibatu nahi ditu bildumak»

Jolastea maite dute Mattinek, Annak, Lik, Denisek, Salimek eta Txurixakurrak, Bixkorrek lagun taldeko kideek. Parkean elkar-tzen dira beti, baina, parke-tik, munduko bazter eta txoko askotara bidaiatzen dute, irudimena laguntzaz. Bidaiatu nahi al duzue Antartikara, oihanera edota dinosauroen garaira?

**Bixkorrek haur kuadrilla da bildumako protagonista. Nortzuek osatzen dute?**

Sei haurrek osatzen dute Bixkorrek taldea, eta taldeko kide bakoitzak bere izaera du: Mattin behatzaile trebea da; Anna, erabakiak erraz hartzen dituen neskato ausarta; Li, berriz, lagun taldean gehien hausnartzen duena da; Denis oso ameslaria da; eta Salim, oso ausarta. Txuri da, Mattinen txakurra, taldeko seigarren kidea, eta oso filosofikoa da.

**Eta zer egiten du taldeak?**

Jolasten, korri egiten, amesten... duten haurrak dira. Talde gisa, irudimentsuak, burutsuak, ongi heziak, zinezkoak eta begirune handi-koak dira. Adiskidetasunaren beharrezko balioak transmititzen di-

tuzte, eta askotariko abenturak izaten ditu lagun kuadrillak.

**Istorio guztiak parke batean hasten dira. Zer gertatzen da han?**

Istorio guztiak benetako egoera batetik abiatzen dira. Lagunak parke batean elkartzen dira, eta, han, denetarik jolasetan aritzen dira. Egoera erreal horietatik abiatuta, haurrek irudimena askatu, eta askotariko abenturak izango dituzte. Istorio horien bidez adierazi nahi izan diet haurrei irudimenak lagun- du egingo diela bestelako errealtateez gozatzen eta bestelako munduetara bidaiatzen, eta hori ezinbestekoa dela hazteko eta ikasteko.

**Parketik abiatuta, nora bidaiatzen du taldeak?**

Antartikara bidaiatuko dute lehen liburuan. Bidaiak horri esker, bertzearen eraginak eza gutuko ditu seikoteak. Amazoniako oihanean barneratuko dira *Oihanean galduta* liburuan. Oihan horri zergatik deitzen zaion *planetaren birika* kasiko dute bidaiak horretan. Itsaso tropikal batean kokatzen da *Sarean harrapatuta* liburuko abentura. Itsasora egingo duten bidaiak horretan, itsasoan utzitako sare batzuetan preso dauden izurdeak askatuko dituzte. Eta, azkenik, *Dinosauroen loaldia* liburuan, iraganera bidaiatuko dute, eta dinosauruak gertu-gertutik eza gutuko dituzte.

